

Broj: 101 – 4192/25 DŽS
Zenica, 07.04.2025.godine

Postupajući po Rješenju URŽ, broj: JN2-03-07-1-163-6/25 od 03.04.2025. godine, na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22), prema Preporuci Komisije za nabavku broj: 501-4192-1/25 od 07.04.2025. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U **o izboru najpovoljnijeg ponuđača**

Član I

Okvirni sporazum u postupku nabavke reparaturnih obujmica dodjeljuje se ponuđaču BIHEXO d.o.o. Sarajevo, prema ponudi broj: 501-14858/24 od 19.12.2024. godine, za ponuđenu cijenu u iznosu od 48.537,00 KM bez PDV-a, a u skladu sa Rješenjem URŽ broj: JN2-03-07-1-163-6/25 od 03.04.2025. godine.

Član II

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

Član III

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

Član IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71., stav 2. Zakona o javnim nabavkama („Sl. glasnik BiH“ broj 39/14.).

Član V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-13845/24 BS od 29.11.2024. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a bila je 49.000,00 KM.

Dana 03.12.2024.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-648-3-293/24 objavljena je i tenderska dokumentacija.

Rok za dostavljanje ponuda je bio 19.12.2024. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj kovrti, i to:

1. VODOSKOK d.o.o. Tomislavgrad
2. ASES TEAM d.o.o.
3. BIHEXO d.o.o. Sarajevo

Komisija za nabavku imenovana je Odlukom broj: 101-14266/24 AB od 04.12.2024.godine.

Komisija za nabavku je dana 06.01.2025. godine direktoru preduzeća dostavila Zapisnik o ocjeni ponuda broj: 501 - 4/25 DŽS od 06.01.2025. godine sa preporukom o izboru najpovoljnijeg ponuđača.

Ponuđač ASES TEAM d.o.o. je dostavio ponudu čija ukupna cijena prelazi procijenjenu vrijednost predmetne nabavke. Iz gore navedenog razloga ponuda ponuđača ASES TEAM d.o.o je neprihvatljiva (član 2., stav 1., tačka I., alineja 2. Zakona o javnim nabavkama BiH, „Sl. glasnik BiH, 39/14, 59/22, 50/24), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 403-13845-1/24 BS od 03.12.2024. godine – nabavka reparaturnih obujmica, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH”, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljenih ponuda neprirodno niska.

Slijedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 30.12.2024. godine, u terminu od 09:00 sati.

Ponude ponuđača, prije početka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 48.929,42 KM bez PDV-a
2. BIHEXO d.o.o. Sarajevo, sa ukupnom cijenom ponude u iznosu od 48.537,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 32.000,00 KM bez PDV-a
2. BIHEXO d.o.o. Sarajevo, sa ukupnom cijenom ponude u iznosu od 32.010,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena” prihvatljivih ponuda/ponuđača, ocijenila kako slijedi:

1. VODOSKOK d.o.o. Tomislavgrad, sa ukupnom cijenom ponude u iznosu od 32.000,00 KM bez PDV-a
2. BIHEXO d.o.o. Sarajevo, sa ukupnom cijenom ponude u iznosu od 32.010,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku reparaturnih obujmica dao ponuđač VODOSKOK d.o.o. Tomislavgrad, jer je ponuđač dostavio ponudu sa najnižom cijenom prihvatljive ponude, te je Komisija predložila da se sa navedenim ponuđačem kao najpovoljnijim zaključi okvirni sporazum.

Dana 10.01.2025. godine ugovorni organ je zaprimio žalbu na gore navedenu Odluku i to od ponuđača BIHEXO d.o.o. Sarajevo koju je ugovorni organ u cjelosti usvojio te donio Rješenje o usvajanju žalbe, broj: 101-208-1/25 MS od 14.01.2025. godine. U skladu sa navedenim ugovorni organ je izvršio poništenje održane e-aukcije.

Dana 27.01.2025. godine ugovorni organ je zaprimio žalbu na gore navedeno Rješenje i to od ponuđača VODOSKOK d.o.o. Tomislavgrad.

Predmetnu žalbu zajedno sa Izjašnjenjem na navode iz žalbe ugovorni organ je dostavio Uredu za razmatranje žalbi na odlučivanje.

Zbog protoka vremena ugovorni organ je zatražio i dobio izjave o produženju važenja ponuda za još 60 dana od ponuđača VODOSKOK d.o.o. Tomislavgrad i BIHEXO d.o.o. Sarajevo.

Dana 07.04.2025. godine ugovorni organ je zaprimio Rješenje URŽ broj: JN2-03-07-1-163-6/25 od 03.04.2025. godine kojim se žalba ponuđača VODOSKOK d.o.o. Tomislavgrad odbija kao neosnovana.

Postupajući po predmetnom Rješenju, Komisija je donijela odluku da je najpovoljniju ponudu za nabavku reparaturnih obujmica dao ponuđač BIHEXO d.o.o. Sarajevo, jer je ponuđač jedini dostavio formalno pravno i tehnički prihvatljivu ponudu, te Komisija predlaže da se sa navedenim ponuđačem kao najpovoljnijim zaključi okvirni sporazum.

Naime, postupajući po navedenom Rješenju URŽ Komisija je iz razloga opisanih u predmetnom Rješenju ocijenila da ponuda ponuđača VODOSKOK d.o.o. Tomislavgrad nije u skladu sa zahtjevima traženim u tenderskoj dokumentaciji.

Postupajući po Rješenju URŽ te prema člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), ugovorni organ je donio Odluku o dodjeli okvirnog sporazuma, kao što je navedeno u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.



Direktor:

Emir Pašalić
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Službenik za javne nabavke
- 3 x Članovima Komisije
- 1 x Sekretar Komisije
- 1 x a/a